

समां - 12:25 hrs.

LG- IRCS AGM

उपराज्यपाल मनोज सिन्हा होरें कल भारतीय रेड क्रस सोसाइटी जम्मू-कश्मीर दी सलाना आम बैठका दी अध्यक्षता कीती ते एहदे कम्मै-काजै- गतिविधियें ते भविक्ख दिएं योजनाएं दा जायजा लैता। उपराज्यपाल जेहड़े जे रेड क्रस सोसाइटी दे अध्यक्ष बी हैन होरें सबभनें डिप्टी कमीशनरें गी निर्देश दिता जे ओ सोसाइटी दे कम्मै-काजै लेई वसीलें दी बवस्था करन- फंड किट्ठा करने दे ज़रिए गी सक्रिय करन ते समाज लेई मनुक्खता पर आधारित ते भलाई-बेहतरी दे कम्मै- गतिविधियें दा होर विस्तार करन। मनोज सिन्हा होरें उनें गी जिलें साब्वे सलाना गतिविधियें लेई योजनां तयार करने- जिनें इलाकें च सोसाइटी दे दखल दी लोड़ ऐ उन्दा पता लाने ते इनें गतिविधियें दी असरदार ढंगै नै अमलावरी गी जकीनी बनाने लेई बी आखेआ। रेड क्रस दिएं सेवाएं गी लोकें दे होर नेड़े लेई जाने पर जोर दिंदे होई एल.जी होरें एहदी पुज्ज ग्राएं-ग्राएं ते दूर दरेड़े इलाकें तोड़ी बनाने दा आहवान कीता।

CM- Raabita

अपने “राबता” कार्यक्रम तैहत मुखमंत्री उमर अब्दुल्ला होंरें कल श्रीनगर च केई लोकें ते शिश्टमंडलें कन्नै मलाटी कीती ते बक्ख-बक्ख मुददे-मसलें ते विशें पर गल्लबात कीती। इस दौरान प्हाड़े दे सतत विकास- सैलसफा गी बढावा देने ते खेड्डें सरबन्धी केई विशें पर

सोच-विचार कीता गेआ। इंटेग्रेटिड माउनटेन इनिशिएटिव नांs दे संगठन दे इक शिश्टमंडल ने मुखमंत्रि होरें'गी मिलियै जम्मू-कश्मीर च प्हाड़े दे सतत विकास गी बढ़ावा देने दिएं नीतिएं बारे गल्लबात कीती। IIT जम्मू थमां एसोसिएट प्रोफेसर अमिताश ओझा होरें मुखमंत्रि होरें'गी मिलियै जम्मू-कश्मीर च सैलसफा विकास लेई प्रस्तावित इक पैहल बारे जानकारी दिती। जम्मू-कश्मीर दे तलवारबाज़ विशाल थापर जिंदी जापान च होने आहली 20मीं एशियाई खेड्डें च भारत दी अगुआई करने गितै ताल होई ऐ- उब्बी कल मुखमंत्रि हुंदे'नै मिले ते जम्मू-कश्मीर खेड्ड विकास सरबन्धी मुद्दे पर गल्लबात कीती।

<><><><><><>

Population Enumeration

जम्मू-कश्मीर दे प्हाड़ी ते बर्फबारी आहले कठन इलाकें च अज्ज पैहली सितम्बर थमां मरदमशुमारी दी प्रक्रिया शुरू होई गई ऐ। केन्द्र शासत प्रदेश च इस चाल्ली दे कुल 16 जिलें न। आकाशवाणी दे जम्मू संवाददाता नै जानकारी दिती ऐ कि प्हाड़ी ते बर्फबारी आहलें इलाकें च मरदमशुमारी दा कम्म 30 सितम्बर धोड़ी जारी रौहग। जम्मू-कश्मीर ते लद्दाख लेई जनगणना सरबन्धी कारवाइएं दे ड़ैक्टर अमित शर्मा- जेहड़े जे इनें दंऊ केन्द्र शासत प्रदेशें दे प्रधान मुख जनगणना अधिकारी बी हैन- अज्ज उधमपुर जिले दी डुइ बसंतगढ़ सब-डिविजनें दा दौरा लाइयै इस प्रक्रिया दी रस्ती तौरा पर शुरूआत करा'करदे न।

<><><><><><>

CS-JK Khelo India

जम्मू-कश्मीर प्रशासन नै केन्द्र सरकार दे “खेलो इंडिया” कार्यक्रम तैहत 2026 कोला लेइयै 2031 तगर लेई इक महत्वाकांक्षी खाका तयार कीता ऐ। इस योजना दा मकसद केन्द्र शासत प्रदेश च खेड़ें सरबन्धी बुनियादी ढांचे गी मजबूत बनाना ते जमीनी सतह पर खेड़ प्रतिभा दा पता लाइयै उसी नखारने दी कोशश करना ऐ। इस योजना तैहत 5एं बरे दी अवधि दरान केन्द्र सरकार कोला इक जहार करोड़ कोला 12 सौ करोड़ रपे दी सहायता रकम हासल करने दा लक्ष रखेया गेदा ऐ। इस योजना दे खाके गी मुख सचिव अटल डुल्लु हुंदी अध्यक्षता च लग्गी दी यू.टी सतह दी तालमेल कमेटी दी पैहली बैठका च रखेआ गया। मुख सचिव होरें सब्भनैं डिप्टी कमीशनरें गी आखेआ जे ओह अपने-अपने जिलें दी खेड़ विकास योजना जमा करान तां जे जम्मू-कश्मीर च खेड़ विकास लेई केन्द्र दे फंड दा पूरा-पूरा लाह हासल कीता जाई सकै।



Div.Com –KPs.

जम्मू दे डिविजनल कमीशनर रमेश कुमार होरें कल जम्मू च इक निजी चैरीटेबल ट्रस्ट आसेआ लोआए गेदे पैहले कम्यूनिटी कैश अवार्ड समारोहें च हिस्सा लैता। इस कार्यक्रम दा आयोजन उ'नैं लोके गी सम्मानित करने लेई कीता गेदा हा- जिनें अपने-अपने क्षेत्रें च कश्मीरी पंडत समुदाय दा मान बढ़ाया ऐ। किट्ठै गी सम्बोधित करदे होई रमेश कुमार होरें 1990 दी घटनाएं दे बाद कश्मीरी पंडतें गी पेश आए दे मुश्कल समें बारे गल्ल कीती ते आखेआ जे विस्थापित होने दे बाद बी उ'नैं बक्ख-बक्ख क्षेत्रें च पेशें च खरा प्रदर्शन करना

जारी रखेआ। मगरा उ'ने कश्मीरी पंडत समुदाय दी नामचीन हस्तियें गी बक्ख-बक्ख श्रेणियें च नकद इनाम बी दिते। इंदे च Dr. Agni Shekhar- Vikram Koul- Sandhya Dhar- Dr. Adividvadani Koul- Pandit (Dr.) Abhay Rustum Sopori ते Ankur Bagati.



New IGP Jammu

जम्मू ज़ोन दे नमें पुलस महानिरीक्षक दे तौरा पर Tejinder Singh होरें अपना कम्मकाज सांभी लैता ऐ। ओह भीम सेन टूटी हुंदी थाहरै पर आए न। जम्मू दे ज़ोनल पुलस मुख्यालय च अपने इस ओहदे थमां फारिक होआ'रदे भीम सेन टूटी होरें'गी विदाई देने ते उन्दी थाहर पर नमें नियुक्त होए दे IGP Tejinder Singh हुंदा औपचारिक तौरा पर सोआगत करने लेई इस कार्यक्रम दा सरिस्ता कीता गेआ। कार्यक्रम दौरान जम्मू ज़ोन दे अफसरें ते अमले नै भीम सेन टूटी हुंदे नेतृत्व ते कम्मकाज दौरान उन्दी निश्ठा दी सराहना कीती। उ'ने भीम सेन टूटी होरें'गी उन्दी नमीं भूमिका ते भविक्ख दी जिम्मेदारियें च कामयाबी लेई शुभकामनां बी दितियां।



Mission Yuva

जम्मू दे डिप्टी कमीशनर हुंदे दफ्तरै च कल “मिशन युवा” दी अमलावरी ते प्रगति दा जायजा लैने लेई इक बैठक लगी। डी.सी. डाक्टर राकेश मन्हास हुंदी अध्यक्षता च लग्गी दी इस बैठका च जिले दे सब्बै SDME दे इलावा मैहकमा रोजगार दियां डिप्टी ड्रैक्टर

सुनैना सैनी ते मिशन युवा लेई लीड बैंक दे मैनेजर बी मजूद हे। बैठका च “मिशन युवा” स्कीम दा लाह मते शा मते नौजवानें तगर पुजाने दे तरीकाकार बारे तफसीली चर्चा कीती गई।

इस गल्ल पर बी बक्ख-बक्ख पैहलुएं पर सोच-विचार कीता गया कि किस चाल्ली नौजवानें गी स्वरोजगार दे मौके बारे जागरूक बनाइयै उनें गी इंदे नै जोड़ेआ जा- उद्यमता गी बढ़ावा दिता जा ते इस स्कीम दी जमीनी सतह तगर असरदार ढंगे नै अमलावरी जकीनी बनाई जा।

<><><><><><>

Prog. Announcement

आकाशवाणी जम्मू दे क्षेत्रीय समाचार एकांश आसेआ 2 सितंबर गी दपैही साइडे 12 बजे राश्ट्री पोषण सप्ताह दे सिलसिले च 30 मिंटे दी इक विशेष परिचर्चा प्रसारित कीती जाहग। एहदा विशेषार होग “संतुलित आहार थमां बेहतर सेहत तगर जीवन लेई पोषण”। इस कार्यक्रम च खास मेहमान होडन जम्मू-कश्मीर दे मन्ने-परमन्ने दे डाइटिशियन विक्रम सबरवाल, जेड़े इस विशे पर अपने माहिराना बचार सांझा करडन। इस कार्यक्रम दी मेजबानी न्यूज एंकर विजय बजाज हुं दे आसेआ कीती जाहग।

<><><><><><>